

## ოკუპაცია მოსკოვს

რუსეთის საოკუპაციო ჯარები სოფელ დვანის მიმდებარე ტერიტორიაზე ე.წ. საზღვრის სადემარკაციო საშუალებებს აგრძელებენ.

რუსი სამხედროები დასახლებულ პუნქტამდე ანუ სოფელ დვანში მდებარე საცხოვრებელ სახლებამდე, სავარაუდოდ, დღეს, საღამოს მივლენ და სწორედ მაშინ გახდება ცნობილი, შეექმნება თუ არა საფრთხე სოფლის განაპირას მდებარე სამ საცხოვრებელ სახლს.

ადგილობრივები ამბობენ, რომ სოფლის მოსახლეობის 20-30 პროცენტი სასოფლო-სამეურნეო მიწების გარეშე დარჩა. ისინი საკუთარ ბაღებში შესვლას და მო-

სავლის აღებას ვეღარ ახერხებენ. დვანის მცხოვრებთა ინფორმაციით, მათ რუსმა მესაზღვრეებმა გუშინაც მხოლოდ ერთი საათი მისცეს სიმინდის ასაღებად.

ოკუპანტები დვანის რამდენიმე მცხოვრებს კუთვნილი სათავსოების დაცლასაც სთხოვენ იმ მიზეზით, რომ ეს სახლები ოსების მხარეს მოხვდება.

გუშინ დვანში იმყოფებოდნენ სოფლის მეურნეობის სამინისტროს წარმომადგენლებიც. მათი განმარტებით, ადგილზე ვითარების საფუძვლიანად შესწავლის შემდეგ სამინისტრო მოსახლეობისთვის ზარალის ანაზღაურების შესახებ გარ-

კვეულ გადაწყვეტლებას მიიღებს, თუმცა რა ფორმით მოხდება ანაზღაურება, ჯერჯერობით უცნობია.

ადგილზე ჩავიდნენ რეგიონული განვითარებისა და ინფრასტრუქტურის მინისტრი დავით ნარმანია და რეინტეგრაციის მინისტრის მოადგილე ქეთევან ციხელაშვილი. ისინი კონფლიქტისპირა სოფლებში მცხოვრებ 40-მდე მოსახლეს შეხვდნენ.

დავით ნარმანიას თქმით, მთავრობა ცდილობს, დვანში შექმნილი ვითარება საერთაშორისო თანამეგობრობის მხარდაჭერით მოაგვაროს.

გაზრძაძე  
მე-2 გვერდი

## ODIHR-ის კონფერენციაზე საქართველოს უბიძგე

საპასუხოდ ქართული დელეგაციიდან ხმას არაავინ იღებს



დათო გაბოსონია

ვარშავაში მიმდინარე საერთაშორისო ფორუმს - The Human Dimension Implementation Meeting (HDIM) რუსეთი საქართველოს წინააღმდეგ კამპანიის წარმოებისთვის იყენებს. ლონისძიებაში საქართველოს ხელისუფლებისა და არასამთავრობო ორგანიზაციების წარმომადგენლები მონაწილეობენ.

გაზრძაძე  
მე-3 გვერდი

## „გაუმჯობესებაზე შეიძლება, ძალიან გაუარესდეს“



ქართული დელეგაცია, საქართველოს პრეზიდენტის ხელმძღვანელობით, სამუშაო ვიზიტით ამერიკის შეერთებულ შტატებში იმყოფება.

აშშ-ში გაემგზავრა საქართველოს საგარეო საქმეთა მინისტრი მია ფანჯიკიძეც.

მიხელ სააკაშვილი გაეროს გენერალური ასამბლეის 68-ე სესიას დაესწრება და 25 სექტემბერს სესიის მონაწილეთა წინაშე სიტყვით წარდგება.

გაერო-ში ქართული დელეგაციის ორმხრივ შეხვედრებზე განხილვის ერთ-ერთი მთავარი თემა საოკუპაციო ზოლთან შექმნილი ვითარება იქნება.

გაზრძაძე  
მე-4 გვერდი

## კენიაში სავაჭრო ცენტრი ტერორისტებისგან განმინდეს

ივა შილაკაძე



კენიის დედაქალაქ ნაირობიში სპეცრაზმებმა ელიტური სავაჭრო კომპლექსი „ვესტგეიტი“ (Westgate) სომალის ბაზირებული დაჯგუფება „აშ-შაბაბის“ ტერორისტებისგან მოლიანად განმინდეს. სამშაბათს, დილას, კენიის თავდაცვის სამინისტრომ განაცხადა, რომ ოპერაცია თითქმის დამთავრებულია, მძევლები გათავისუფლებულნი არიან და ტერორისტები სპეცრაზმელებს უკვე წინააღმდეგობას აღარ უწევენ.

გაზრძაძე  
მე-6 გვერდი

1 აშშ დოლარი	1.6643\$
1 ევრო	2.2110\$
1 ინგლისური გირვანკა	2.5933\$
1 თურქული ლირა	0.8622\$
100 რუსული რუბლი	5.0433\$

  

თბილისი	31°C - 20°C
ქუთაისი	33°C - 20°C
ზუგდიდი	32°C - 21°C
ბათუმი	27°C - 21°C

  

ნავთობი	3.19	+0.00	+0.16%
გაზი	3.58	+0.11	+3.07%
ოქრო	1,743.20	-9.80	-0.56%
ხორბალი	868.50	+12.25	+1.41%

„24 საათის“ ელექტრონული ვერსია იხილეთ Web-გვერდზე [www.24saati.ge](http://www.24saati.ge)  
ჩვენი პარტნიორები:



ჩვენ ვაძლევრებთ ერთმანეთს



ISSN 1987 9121



## პარმადინი

ზურა თალაქვაძე

ლონდონში, ოთხთა ფინანსის პირველ დონეზე ოლიმპიკოსი“ სტაბილურ ფავორიტს, ცსკას დაელაპარაკა. და ოლიმპიკოსმა“ 69:52 გადაშალა ცსკა. გიორგი შერმადინმა იმ თამაშში 5 ქულა, 3 მოხსნა, ორი კარგი მომენტი დატოვა. და შერმადინი ბოლო დონეზე ნაკლებ-

ბად კარგი იყო. ფინალში, რეალთან“. იქ იგოს ცოტა წუთი აჩუქეს და საქართველოს ნაკრების მეორე ცენტრმა 3 ქულა და 2 პასი აკრიფა. 6 წუთში ეს სტატისტიკა მოსაღებია. 6 წუთში ეს სტატისტიკა ჩვეულებრივია და შერმადინი იწყებს დასვენებას, ევროპის ჩემპიონატისთვის მზადდება.

გაზრძაძე  
მე-7 გვერდი



## ტრიზუნა „საბა“

საპატიო „საბა“ ზურაბ კიკნაძეს გადასცეს

ივა შილაკაძე

ლიტერატურულ პრემია „საბას“ 11 წელიწადი დასჭირდა იმისთვის, რომ პრიზებისა და ოჯახების დასარიგებელი ლონისძიებიდან ტრიზუნად ქცეულიყო, ქართველ მწერლებს საკუთარი ტექსტების დაფასებისთვის მადლობის გარდა სხვა სიტყვებისთვისაც მოეყარათ თავი, საზოგადოებას კი მათ მიმართ ადეკვატური რეაქცია გამოეხატა. კარგია, რომ ეს ქვეყნის ყველაზე აკადემიურ სცენაზე ხდებოდა და არა სამე ქულაში, რაც ძალიან ჩვეულებრივი იქნებოდა; კარგია, რომ ამას ვისმენდით ზრდასრული და ჭკვიანი ადამიანებისგან და არა მხოლოდ პროტესტის გამოხატვის ხიზლს აყოლილი ყმაწვილებისგან;

გაზრძაძე  
მე-5 გვერდი







# „ბაუმჯობესებაზე შიშობა, ძალიან გაუარესდა“

პირველი გვერდიდან

ქართული დელეგაცია მონაწილეობას მიიღებს ევროკავშირის მიერ ორგანიზებულ ფორუმში - „აღმოსავლეთის პარტნიორობა“. დაგეგმილია შეხვედრები ევროკავშირის პოლიტიკურ დირექტორებთან. მიხეილ სააკაშვილი სამოქალაქო საზოგადოების მხარდაჭერის სამიტსა და სამართლიანობისა და 2015 წლის შემდგომი განვითარების მიზნებთან დაკავშირებულ მიწვევებსაც დაესწრება. საქართველოს პრეზიდენტი ასევე მიწვეულია გაერო-ს გენერალური ასამბლეის 68-ე სესიის გახსნის აღსანიშნავად მონაწილეობაში.

მიხეილ სააკაშვილს გაერო-ს გენერალურ ასამბლეაზე წელს პრეზიდენტის რანგში ბოლო გამოსვლა აქვს.

24 სექტემბერს საქართველოს პრეზიდენტი აშშ-ს პრეზიდენტს შეხვდა. მიხეილ სააკაშვილისა და ბარაკ ობამას შეხვედრის შესახებ ინფორმაცია საქართველოს პრეზიდენტის „ფეისბუქის“ ოფიციალურ გვერდზე გამოქვეყნდა. მიხეილ სააკაშვილმა საპრეზიდენტო ვადის დასასრულს აშშ-ს პრეზიდენტს ორ ქვეყანას შორის არსებული თანამშრომლობისთვის მადლობა გადაუხადა. ბარაკ ობამა მიხეილ სააკაშვილის სამომავლო გეგმებით დაინტერესდა.

„თქვენ ძალიან მნიშვნელოვან მემკვიდრეობას ტოვებთ დემოკრატიული, რეფორმირებული საქართველოს სახით. რა გეგმები გაქვთ პრეზიდენტობის ვადის ამონაწერის შემდეგ?“ - მიმართა

აშშ-ს პრეზიდენტმა სააკაშვილს. საქართველოს პრეზიდენტის განცხადებით, მისი სამომავლო გეგმები, პოლიტიკის გარდა, საგანმანათლებლო სისტემასაც ეხება. კერძოდ, მიხეილ სააკაშვილი თბილისში საპრეზიდენტო ბიბლიოთეკის გახსნას გეგმავს. აშშ-ს პრეზიდენტმა აღნიშნული იდეა მოიწონა.

„მინდა, დიდი მადლობა გითხრათ, რომ რუსეთში ვიზიტისას პრინციპული პოზიცია დაიკავეთ. ახლა ძალიან სარისკო პერიოდში ვართ. საბოლოოდ სიტუაცია აუცილებლად გამოსწორდება, მაგრამ თქვენივე სიტყვების პერიფრაზი რომ გავაკეთო, გაუმჯობესებამდე შეიძლება, ძალიან გაუარესდეს. ასევე, დიდი მადლობა ყველაფრისთვის, რაც საქართველოსთვის გააკეთეთ და გთხოვთ, ყურადღება არ მოადუნოთ,“ - მიმართა სააკაშვილმა ობამას.

საქართველოს პრეზიდენტი თავის პოლონელ კოლეგასაც შეხვდა. საუბრის მთავარი თემა ქვეყნებს შორის არსებული მეგობრული და პარტნიორული ურთიერთობისა და თანამშრომლობის გაღრმავება იყო.

ბრონისლავ კომოროვსკიმ კიდევ ერთხელ აღნიშნა, რომ პოლონეთი კვლავაც აქტიურად უჭერს მხარს საქართველოს ტერიტორიულ მთლიანობასა და ევროატლანტიკურ ინტეგრაციას. შეხვედრისას ორი ქვეყნის ლიდერებმა რეგიონული უსაფრთხოების საკითხებზე განიხილეს.

საქართველოს დელეგაციის ოფიციალური ვიზიტის ფარგლებში, ხუთი დღის განმავლობაში სამომავლოდ შეხვედრა დაგეგმილია.

ალსანიშნავია, რომ საქართველოს პრეზიდენტი და საქართველოს საგარეო საქმეთა მინისტრი ერთად არც ერთ შეხვედრას არ დაესწრებიან, მათი ყველა შეხვედრა პარალელურად იმართება.

თუმცა, მიხეილ სააკაშვილის სიტყვით გამოსვლისას საგარეო საქმეთა სამინისტროს დელეგაცია დარბაზში იქნება. მიხეილ სააკაშვილის გამოსვლის მთავარი თემა საოკუპაციო ხაზზე განვითარებული მოვლენები იქნება.

„მავთულხლართების შესახებ ჯონ კერისთან მიღებისას მქონდა საუბარი და საკმაოდ დეტალური. კარგია, რომ ამის შესახებ ეუთო-ში ამერიკელების მიხედვით გააკეთა განცხადება. მაგრამ ჩვენ, რა თქმა უნდა, მათთან მუშაობა უნდა გავაგრძელოთ, რადგან უკვე იკვეთება სერიოზული კრიზისის ნიშნები, სერიოზული შემოტევის ნიშნები ქართულ სახელმწიფოებრიობაზე.“

ასევე გუშინ პრეზიდენტ ობამასთან ხანმოკლე, მაგრამ თბილი საუბარი გვექონდა და ვთხოვე, ყურადღება არ მოადუნონ, რადგან მნიშვნელოვანია, რომ ყურადღება ამ მაღალ დონეზე იყოს. ახლა საქართველოს ჰყავს ძალიან კარგი ელჩი, კახა იმნაძე, რომელიც სულ სხვა პოლიტიკური ბანაკიდან იყო, მაგრამ არ შემოიძლია, მისი პროფესიონალიზმი არ დაეფასოს. აქ კარგი კომუნიკაცია მაქვს საგარეო საქმეთა მინისტრთან, მას თავისი შეხვედრები აქვს, მე ჩემი,

მაგრამ მნიშვნელოვანია, რომ საქართველოს თემაზე ყურადღება არ მოდუნდეს, რადგან ახლარუსეთთან ძალიან საშიშ პერიოდში ვიმყოფებით. საბოლოო ჯამში, ყველაფერი თავის ადგილზე დადგება, მაგრამ ვშიშობ, მოკლევადიან პერიოდში სიტუაცია ბევრად უფრო გაუარესდება და ამიტომ ყველა ძალიან ფოკუსირებული და ძალიან ფრთხილად უნდა ვიყოთ,“ - განაცხადა საქართველოს პრეზიდენტმა.

მიხეილ სააკაშვილი აღნიშნავს, რომ საქართველოს საგარეო საქმეთა სამინისტროსთან კოორდინირებულად მუშაობს და მზად არის, საგარეო უწყებებისგან გამოსვლის ტექსტის შესახებ შენიშვნები და რეკომენდაციები მიიღოს.

„რუსეთს აგრესიული ინსტიტუტები სულ უფრო უძლიერდება. მე ამ თემაზე ვამზადებ ხვალისთვის ჩემს ძალიან ვრცელ, დეტალურ გამოსვლას. ჩემი გამოსვლის ტექსტი წინასწარ ექნება საგარეო საქმეთა სამინისტროს, მათგან ყველანაირ რეკომენდაციებს მივიღებ და შენიშვნებისთვის გახსნილი ვარ. კარგი სამუშაო ურთიერთობა და კონტაქტი გვაქვს. ერთად ვმუშაობთ არაღიარების თემაზე და აქაც ბევრი აზრთა გაცვლა-გამოცვლა იყო. ასე რომ, საგარეო საქმეთა სამინისტროში ჩამოყალიბდა ტრადიცია, რომ მიუხედავად პოლიტიკური რყევებისა, იქ არის სახელმწიფო აპარატი, რომელიც პრინციპში ჯანსაღია. ამიტომ, ვინც არ უნდა იყოს მომავალში პრეზიდენტი, ჩვენ ყველამ ერთად უნდა ვიმუშაოთ,

რადგან საქმე ეხება საქართველოს გრძელვადიან ინტერესებს,“ - აღნიშნა მიხეილ სააკაშვილმა.

საქართველოს პრეზიდენტმა ასევე ყურადღება გაამახვილა ლიტვის პრეზიდენტის განცხადებაზე. სააკაშვილის თქმით, რამდენიმე დღის წინ ლიტვის პრეზიდენტმა განაცხადა, რომ დროა, ევროპა მოლდავეთსა და უკრაინაზე გადაერთოს, რადგან საქართველოს ევრაზიის კავშირში განვითარების სურვილიც აქვს. ამას საქართველოს პრეზიდენტი სახიფათო ტენდენციად მიიჩნევს.

„რამდენიმე დღის წინ ლიტვის პრეზიდენტმა მსგავსი რაღაც თქვა, რომ ახლა მოდით, ვიბრძოლოთ უკრაინისთვის და მოლდავეთისთვის, რადგან საქართველოს ევრაზიულ კავშირშიც აქვს ინტერესი და ამიტომ, მოდით, დანარჩენ ორ ქვეყანაზე გადავერთოთ. ეს ჩვენთვის ევროკავშირის პრეზიდენტის მხრიდან შემაშფოთებელი განცხადებაა. მე არ ვიცი, პრემიერ-მინისტრმა ზუსტად რა ილაპარაკა, მაგრამ ჩვენ ჩვენს ევროპულ პარტნიორებს ვუხსნით, რომ ერთია, რას ილაპარაკებს პრემიერ-მინისტრი და მეორეა ქართველი ხალხის ნება და ქართველი ხალხის ნებაა ევროპაში ინტეგრაცია,“ - განაცხადა მიხეილ სააკაშვილმა.

საქართველოს პრეზიდენტის ამ განცხადებას საგარეო უწყების ხელმძღვანელი მაია ფანჯიკიძე გამოეხმაურა. მისი თქმით, ლიტვის პრეზიდენტის ნათქვამი არასწორად იქნა გაგებული.

## სასკოლო სახელმძღვანელოები საბამომცემლო ფასში

აბიტურები, ტესტები, საატესტაციო ნიბნები  
და სხვა ღამხმარე ლიტერატურა.

## სასკოლო საკანსელარო ნივთები

ვაჟა-ფშაველას 43,  
„დელისის მეტროსთან“  
პროფკავშირების კულტურის ცენტრში **595 11 32 33**  
**571 11 32 33**

# ტრიბუნა „საბა“

პირველი გვარდიან

წლები „საბა“ სწორედ ის „საბა“, რომელიც ალბათ ყველაზე მეტად შედგა და არა მხოლოდ დადგენილი სცენარიდან მოულოდნელი გადახვევების გამო - ძალიან კარგი ნიგნების ავტორები შინ პრიზებით დაბრუნდნენ.

თავდაპირველად სულ ცოტა დაჯილდოების ცერემონიალის შესახებ: 9 წლის განმავლობაში „საბა“ ღია ცის ქვეშ იმართებოდა (ჯერ მთანმინდაზე, შემდეგ თიბისის სათავო ოფისის ეზოში). ღონისძიება საშუალოდ ერთ საათს გრძელდებოდა, თბილისის ბიგ ბენდი ჯაზის სტანდარტებს ასრულებდა, ბოლოს ყველა გამარჯვებული საერთო ფოტოს იღებდა და დღესასწაულიც ასე სასიამოვნოდ და უპრეტენზიოდ სრულდებოდა. შარშან ცერემონია

ნიალმა რუსთაველის თეატრში გადაინაცვლა (აქვე ჩატარდა წელსაც) და თითქოს გაჩნდა ვალდებულება, რომ საღამოს ზედმეტად აკადემიური სახე მიეღო. ბიძინა კვერნაძის შემოქმედებისადმი უდიდესი პატივისცემის მიუხედავად, ალბათ უპირაინი იქნებოდა მისი შემოქმედებითი საღამო ცალკე ჩატარებულიყო, ეკამალაძეს, ლიზა ბაგრატიონს, ნატო მეტონიძესა და სხვებს სწორედ იქ ემღერათ, მით უფრო, რომ დარბაზში ქართული მწერლობის ასაკოვანი წარმომადგენლებიც იმყოფებოდნენ, ვისთვისაც თითქმის სამსაათიანი კონცერტი ძალიან დამღლევი აღმოჩნდა, რომ არაფერი ვთქვათ ტელემყურებელზე, რომელმაც დაუსრულებელი სარეკლამო ჭრებისა და მუსიკალური ნომრების გამო ალბათ დღემდე არ იცის, ვინ გაიმარჯვა და ვინ დარ-

ჩა ჯილდოს გარეშე. ეს უკანასკნელი კი უფრო მეტი არიან, ვიდრე გამარჯვებულები, რადგან 60 ნიგნიდან მხოლოდ ცხრა მათგანის ავტორები დააჯილდოეს. მათ შორის იყო „საბას“ ახალი, ქართული ნაწარმოების უცხოენოვანი თარგმანის ნომინაციის გამარჯვებული ნათია მიქელაძე-ბახსოლიანიც, რომელმაც ორი წლის წინანდელი „საბას“ საუკეთესო დებიუტანტის, თამთა მელაშვილის „გათვლა“ გერმანულ ენაზე თარგმნა. მიქელაძე-ბახსოლიანის ნამუშევარს არა მხოლოდ უცხოელი მკითხველი, არამედ გერმანულის ქართველი სპეციალისტებიც აქებენ (ანუ ისინი, ვისაც თარგმანისა და ორიგინალის შედარება შეუძლიათ), მაგრამ უფრო სასიამოვნო ის გახლავთ, რომ ამ ნომინაციას ყველაზე მეტი კონკურსანტი ჰყავდა - ქართულ ლიტე-



FRIDAY, NOVEMBER 1  
TBILISI CONCERT HALL

EN ESPAÑOL  OUT JUNE 25

TBC STATUS Personal Banking

Tbilisi JAZZ FESTIVAL 28 OCT - 1 NOV 2013

TbilisiJazz.com  /TbilisiJazzFestival

PURCHASE TICKETS AT TBILISI CONCERT HALL'S BOX OFFICE, ONLINE AT WEBSITE BILETEBI.GE. MORE INFO BY PHONE AT 2990599

რატურას თურმე მართლა თარგმნიან, თანაც უმეტესად თანამედროვეს.

„ყოველთვის დავწერ იმ ადამიანებისთვის და იმ ადამიანებზე, ვისაც ნებისმიერი მიმართულებით უჭირს“, - ასეთი „მუქარა“ მოვისმინეთ წლის საუკეთესო პიესის ავტორ ალექსი ჩიღვინაძისგან, რომელმაც პიესით სახელწოდებით „ქალაქის მერის ცოლის საყვარელი“ ამ საქმეში გამოცდილ დათო ტურაშვილს, ბასა ჯანიკაშვილს, ვანო ჩხიკვაძეს, ბექა ქურხულსა და ირაკლი სამოსონაძეს აჯობა. ამ უკანასკნელმა კი მაინც მოახერხა საკუთარი პრიზის მოპოვება - ირაკლი სამოსონაძის სახელი საუკეთესო პროზაული კრებულის ნომინაციაშიც იკითხებოდა.

მარიხუანას მოხმარებისთვის დაპატიმრებულები, 17 მაისის დარბეულები და ბინძურ პოლიტიკაში მოთამაშეები გაიხსენა თავის სიტყვაში წლის საუკეთესო დოკუმენტური პროზის ავტორმა გიორგი მაისურაძემ („დაკარგული კონტექსტები“), მისი საპროტეტო სულისკვეთება კი რამდენიმე წუთში საუკეთესო რომანისთვის დაჯილდოებულმა ნაირა გელაშვილმა („მე

ის ვარ“) გააგრძელა, რომელმაც საკუთარი ფულადი ჯილდო ჰუდონშის მშენებლობის წინააღმდეგ დამდგარ სოფელ ხაიშის სკოლასა და საბავშვო ბაღს გადასცა, კოლეგებსა და მთელ სამოქალაქო საზოგადოებას კი ამ სოფლის მოსახლეობის მხარდაჭერისკენ მოუწოდა.

2013 წლის საბას დანარჩენი ჯილდოები ასე გადანაწილდა: საუკეთესო პოეტური კრებულისთვის ღია სტურუა დაჯილდოეს (კრებული „დავინწყების დღე“), ხოლო ლიტერატურული კრიტიკისთვის პრიზი ელგუჯა თავბერიძეს გადასცეს ნაშრომისთვის „კოლიმგრაფი“. წელს საუკეთესო დებიუტანტი მარინა ელბაქიძეა პროზაული კრებულისთვის „გაცვლა“, ხოლო უილიამ ფოლკნერის რომანის „დროები მტვერში“ ზაზა ჭილაძისეული თარგმანი შესაბამისი ნომინაციის საუკეთესო ნამუშევარი აღმოჩნდა.

ტრადიციულად გადასცეს პრიზი ქართული ლიტერატურის განვითარებაში განსაკუთრებული წვლილის შეტანისთვის. წელს ეს ნოდება ლიტერატორ ზურაბ კიკნაძეს ერგო.



# შერმადინი

პირველი გვარდინი

იქ გიო ერთ დონეს იმატებს და ზაზა ფაჩულიას ტრავმის შემდეგ, ნაკრების პირველი ცენტრი ხდება. შერმადინმა მიიღო ნდობა და გიომ საქმე გააკეთა. სლოვენიაში ჩვენი ბიჭი სანდო, აგრესიული, ჭკვიანი, მოურიდებელი და მშვიდი იყო. ჩვეულებრივი მომენტი ძალიან კარგი პირობისაა. შერმადინმა ფაჩულია ვერ შეცვალა. შერმადინი სხვა ცენტრია. ფაჩულია არ იცვლება. არც შერმადინი. რაღაცეები არ იცვლება და გიომ საქმე გააკეთა. მაღალ დონეზე გააკეთა.



გიორგი შერმადინი

ნა დაავროვა. სოლიდური თემა და გიორგიც სოლიდური იყო. სოლიდური მონიშნა დევეტბან სოლიდური და შერმადინმა პრობლემები მოაგვარა. თუ იან ვესელი სლემებს ყველა შემთხვევაში აგროვებდა, ეს ნაკლებად იყო შერმადინის ბრალი. ჩეხეთთან მთელი ნაკრები დალოლი იყო. ზორვატისთან ბოლო ნამებზე, ანტე ტომიჩმა ჩასაგდები ჩააგდო და პოლონეთთან გიომ ორი გაპარებული ტიტანი, მარჩინ გორტატი და მაჩე ლამპე გააჩერა. მიდი, გააკეთე საქმე და მოიგე მოსაგები. ეს გიოს ახალი სლოვანი უნდა იყოს და შერმადინის კალათბურთში მეტი აგრესია, მეტი სილამაზე შევიდა. თუ გიო ამ დონეზე არ დარჩება, ევრობასკეტი ახალი ვარიანტის მესუთე ნომერს მიიღებს. უფრო სწრაფი აზროვნებით, უფრო სწრაფი ხელებით, უფრო სწრაფი გადაადგილებით და უფრო სწრაფი კალათბურთით. ეს პერსპექტივაში, შერმადინია. გიომ ეს

იცის. და გიომ საკუთარი შესაძლებლობები უნდა გამოიყენოს. შერმადინმა საქმე გააკეთა. ეს უკვე ვთქვით და სათქმელი კიდევ ერთხელ ვთქვათ - შერმადინი ვერ შეცვლის ფაჩულიას. ფაჩულიები არ იცვლებიან. შერმადინი შერმადინია და საქართველოს ნაკრების მწვრთნელები ამას მიიღებენ. პროცესი დაიწყო და პროცესი გაგრძელდება. შერმადინმა ძალიან კარგი ევრობასკეტი მიიღო და ჩვენ ევრობასკეტი ძალიან კარგი შერმადინი მივიღეთ. პროცესი დაიწყო. და გაგრძელდება.

თუ ლონდონში, ოთხთა ფინალის პირველ დონეზე გიორგი შერმადინი საკმარის დროს ვერ იღებდა, ამას თავისი მიზეზი, თავისი ახსნა უქონდა. ლონდონში, ოთხთა ფინალის პირველ დონეზე ოლიმპიკოსი სტაბილურ ფავორიტს, ცსკას დაელაპარაკა. და ოლიმპიკოსმა 69:52 გადაძალა ცსკა. გიორგი შერმადინმა იმ თამაშში 5 ქულა, 3 მოხსნა, ორი კარგი მომენტი დატოვა და შერმადინი ბოლო დონეზე ნაკლებად კარგი იყო. ფინალში, რეალთან. იქ გიოს ცოტა წუთი აჩუქეს და საქართველოს ნაკრების მეორე ცენტრმა 3 ქულა და 2 პასი აკრიფა. 6 წუთში ეს სტატისტიკა მოსაღებია. 6 წუთში ეს სტატისტიკა ჩვეულებრივია. და შერმადინი იწყებს დასვენებას, ევროპის ჩემპიონატისთვის მზადებას. იქ გიო ერთ დონეს იმატებს და ზაზა ფაჩულიას ტრავმის შემდეგ, ნაკრების პირველი ცენტრი ხდება. შერმადინმა მიიღო ნდობა და გიომ საქმე გააკეთა. სლოვენიაში ჩვენი ბიჭი სანდო, აგრესიული, ჭკვიანი, მოურიდებელი და მშვიდი იყო. ჩვეულებრივი მომენტი ძალიან კარგი პირობისაა. შერმადინმა ფაჩულია ვერ შეცვალა. შერმადინი სხვა ცენტრია. ფაჩულია არ იცვლება. არც შერმადინი. რაღაცეები არ იცვლება და გიომ საქმე გააკეთა. მაღალ დონეზე გააკეთა.



სანიკიძე და შერმადინი სარაგოსამ ოფიციალურად წარადგინა

საქართველოს ეროვნული საკალათბურთო ნაკრების წევრებმა ვიქტორ სანიკიძემ და გიორგი შერმადინმა ესპანურ „სარაგოსასთან“ ოფიციალური ხელშეკრულება გააფორმეს. ესპანეთის ჩემპიონატის ერთ-ერთმა საუკეთესო კლუბმა, ქართველი კალათბურთელები ბელგიელ ლეგიონერებთან ერთად მედიისათვის გამართულ პრეზენტაციაზე 23 სექტემბერს წარადგინა.

2.16 სმ. სიმაღლის შერმადინმა „სარაგოსას“ შემადგენლობაში პირველი საკონტროლო მატჩი უკვე გამართა და ფრანგული „ტარბის“ წინააღმდეგ 21 ქულას მოუყარა თავი, ამპლუით ფორვარდი ვიქტორ სანიკიძე კი რომლის სიმაღლე 2.03 სანტიმეტრია, მის ახალ კლუბში 24 სექტემბერს ითამაშებს.

„სარაგოსა“ ახალი სეზონისათვის მზადების ეტაპზე, ლეგიონერებთან ერთად კიდევ 4 ამხანაგურ შეხვედრას ჩაატარებს. ესპანეთის ჩემპიონატი 12 ოქტომბერს დაიწყება, „სარაგოსა“ ასევე მონაწილეობას მიიღებს ევროთასეზზეც. გიორგი შერმადინი, რომელიც წინა სეზონზე საბერძნეთის „ოლიმპიკოსში“ ითამაშობდა, „სარაგოსას“ შემადგენლობაში 19-ნომრიანი მაისურით ითამაშებს, ესპანურ ლიგაში იტალიის „მონტეპასკიდან“ გადასული ვიქტორ სანიკიძე კი 13-ნომრიანი მაისურით.

სლოვენიაში გამართულ 2013 წლის ევროპის ჩემპიონატზე ვიქტორ სანიკიძე საქართველოს ნაკრების შემადგენლობაში საშუალოდ 32.4 წუთს ითამაშობდა და 14.6 ქულასა და 7.0 მოხსნას აგროვებდა გიორგი შერმადინი კი 29 წუთში 11. ქულას და 7.2 მოხსნას.

სამინისტროს პრესამსახური

# ახალგაზრდა ძიუდოისტებმა ევროპის ჩემპიონატი შეაჯამეს



ბოსნიის დედაქალაქ სარაევოში ჩატარებულ ახალგაზრდა ძიუდოისტთა ევროპის ჩემპიონატზე საქართველოს ნაკრებმა ორი ოქროს, ორი ვერცხლის და ერთი ბრინჯაოს მედალი მოიპოვა და ვაჟთა გუნდურ ჩათვლაში 41 ქვეყანას შორის პირველი ადგილი დაიკავა.

უფლენე, ბრინჯაოს პრიზიორი კი გიორგი ზაქარიაძე (+ 100 კგ.) გახდა. ევროპის ჩემპიონატიდან დაბრუნების შემდეგ, ძიუდოისტთა ახალგაზრდულ ნაკრებს სპორტისა და ახალგაზრდობის საქმეთა სამინისტროში უმასპინძლეს. „ევროპის ჩემპიონატი საკმაოდ წარმომადგენლობითი იყო. ნაკრებები ძლიერი სპორტსმენებით იყვნენ წარმოდგენილნი, - ვითარებაში გვარკვევს ბექა ლვინიაშვილი, რომელმაც ყველა შეხვედრაში წინდა

გამარჯვებები და შემდგომ უკვე ჩემპიონობა მოიპოვა. - ჩვენი გუნდიც, მეც კარგად ვიყავით მომზადებული. ...შედარებით რთული ნახევარფინალური შეხვედრა გამოდგა - გამოცდილი მეტოქე მყავდა, მაგრამ ღვთის წყალობით ეს ბარიერი გადავლახე. ფინალში კი შარმანდელი ევროპირველობის პრიზიორი შემხვდა, რომელიც შეცდომაზე დავიჭირე და ჩემპიონობა მოვიპოვე. წინ მსოფლიო ჩემპიონატი

გვაქვს, რომლისთვისაც მზადებას მალე შევუდგებით. იმედია იქიდანაც ოქროს მედლით დავბრუნდები“. საქართველოს ათაკციანი გუნდიდან ხუთმა მედალი აიღო. გუნდურ ჩათვლაში, სადაც გოგონათა შედეგებსაც ითვალისწინებენ, მეორე ადგილზე ვაგვიდით, ვაჟებში კი პირველობას ვერაფერ შევუძელია. ამ შედეგით საქართველოს ახალგაზრდულმა ნაკრებმა გუნდურ ჩათვლაში უკან მოიტოვა აზერბაიჯანის, საბერძნეთის, რუსეთისა და საფრან-

გეთის ნაკრებები. „წარმატებული ევროპის ჩემპიონატი გვექონდა. წინასწარ შედეგს ვერ დაგვემავ, მაგრამ ორ ოქროს მაინც მოვიპოვეთ, რომელიც ჩვენთვის დამაკმაყოფილებელი შედეგი იქნებოდა. თუმცა შანსები სხვა წონით კატეგორიებშიც გვექონდა. მოგებულ ორ ფინალთან ერთად ამდენივე ფინალი ნავაგეთ. საერთო ჯამში გუნდმა კარგად იასპარეზა. ბიჭებმა ამ ეტაპზე მაქსიმუმი გაილეს, მაგრამ ვფიქრობ შანსები კიდევ გვექონდა უკეთესი ხარისხის მედლების მოსაპოვებლად. ასლა ჩვენი უმთავრესი საზრუნავი მსოფლიო ჩემპიონატი, რომლისთვისაც მზადებას 5 ოქტომბრიდან შევუდგებით“, - ამბობს საქართველოს ახალგაზრდული ნაკრების მთავარი მწვრთნელი გია გუგავა.

საქართველოს ძიუდოისტთა ახალგაზრდული ნაკრების შედეგები

- 2 ოქრო - ბექა ლვინიაშვილი (90 კგ.), გურამ თუშიშვილი (100 კგ.)
- 2 ვერცხლი - ლევან გუგავა (73 კგ.), ლევან მათიაშვილი (+100 კგ.)
- 1 ბრინჯაო - გიორგი ზაქარიაძე (+100 კგ.)
- მთ. მწვრთნელი: გია გუგავა
- გუნდური ჩათვლა
- 1. საქართველო
- 2. აზერბაიჯანი
- 3. საბერძნეთი

PHOTOGRAPHED BY FRED HEYLAN

# ELITE MODEL LOOK CASTING 2013

N°1 MODEL SEARCH [WWW.ELITEMODELLOOK.COM/GE](http://WWW.ELITEMODELLOOK.COM/GE)

- 21 JULY KUTAISI Opera House 14:00 - 17:00
- 23 JULY GORI Gamarjveba Movie Theatre 14:00 - 16:00
- 26 JULY GURJAANI Cultural Centre 14:00 - 16:00
- 29 JULY ZUGDIDI Art Gallery 14:00 - 17:00
- 17 AUGUST BATUMI Hotel Intourist 14:00 - 17:00
- 18 AUGUST OZURGETI Theatre Hall 14:00 - 16:00
- 07 SEPTEMBER TBILISI Tbilisi Mall 14:00 - 18:00

2013  
**elite**  
MODEL LOOK  
GEORGIA

**ic** MODEL MANAGEMENT

